



Bosnia and Herzegovina  
Federation of Bosnia and Herzegovina  
**CANTON SARAJEVO**  
Cantonal Administration for Inspection Issues

**Broj:** 14-02-04-00084/23  
**Datum:** 29. 05. 2023. godine

**BOSNA I HERCEGOVINA**  
**FEDERACIJA BOSNE I HERCEGOVINE**  
**KANTON SARAJEVO**  
**SKUPŠTINA KANTONA SARAJEVO**  
**ul. Reisa Dž.Čauševića br. 1**  
**71000 SARAJEVO**  
N/r Elvedin Okerić, predsjedavajući

FEDERACIJA BOSNE I HERCEGOVINE			
KANTON SARAJEVO			
30-05-2023			
15	04	51808-100	122

**PREDMET: Odgovor na zastupničku inicijativu, dostavlja se;**  
**VEZA: Vaš akt, broj: 01-04-51808-9/22 od 30.12.2022. godine**

Poštovani,

Kantonalna uprava za inspekcijske poslove Kantona Sarajevo zaprimila je akt Skupštine Kantona Sarajevo, broj: 01-04-51808-9/22 od 30.12.2022. godine kojim se na nadležno postupanje dostavlja zastupnička inicijativa zastupnice Danijele Kristić, upućena na Drugoj radnoj sjednici Skupštine Kantona Sarajevo, koja je održana dana 30.12.2022. godine, a koja glasi:

"Podnosim inicijativu za inspekcijskim nadzorom nad odlaganjem otpada u naselju Tibra-Stup od strane pravnih lica, odnosno poslovnih prostora. Molim da provjerite da li svaki poslovni prostor ima odvojene posude za odlaganje otpada shodno zakonskoj obavezi"

U skladu sa prethodno navedenim, dostavljamo sljedeći odgovor:

Kantonalni komunalni inspektor Inspektorata komunalne inspekcije, zaštite prirode, zaštite dobara baštine i inspekcije za sport Kantonalne uprave za inspekcijske poslove Kantona Sarajevo je po zaprimanju navedene zastupničke inicijative zastupnice Danijele Kristić u skladu sa članom 30. Zakona o inspekcijama Kantona Sarajevo ("Službene novine Kantona Sarajevo", br. 2/17, 37/21), po službenoj dužnosti, pokrenuo usmjereni inspekcijski nadzor na navedene okolnosti, radi utvrđivanja činjeničnog stanja, te nalaganja propisanih obaveza shodno odredbama Zakona o komunalnoj čistoći ("Sl. novine Kantona Sarajevo", br. 14/16, 43/16, 19/17, 20/18 i 22/19). Odjel komunalnih redara KJKP "RAD" d.o.o. Sarajevo, koji vrši neposrednu kontrolu zaštite komunalne čistoće je dostavio službene zabilješke u kojima se navodi da je dana 12.01.2023. godine izvršena kontrola na lokaciji Tibra-Stup, ul. Stupska, Općina Ilidža, te utvrđeno da pravna lica: "Bingo" d.o.o. Tuzla, Buregdžinica "MM" d.o.o. Sarajevo, "VIP Apartmani BKN" d.o.o., "LA"



d.o.o. pj. Gastro pub, posjeduju vlastite posude za otpad – tipa kontejner zapremine 1100L, dok pravna lica: Mesnica "Mujanić" d.o.o. Sarajevo, "Naš Market" d.o.o. Sarajevo, Market "Baas", "Dasta" d.o.o. Sarajevo, Pekara "Sunce", "Dani" d.o.o., "Konzum" d.o.o., "Slatka kuća" d.o.o. ne posjeduju vlastite posude za odlaganje komunalnog otpada.

Obzirom da je članom 22. Zakona o komunalnoj čistoći ("Sl.novine Kantona Sarajevo", br. 14/16, 43/16, 19/17, 20/18 i 22/19) propisano da posude moraju biti prilagođene uređajima i tehnološkom procesu rada komunalnih preduzeća, te da tipove posuda u zavisnosti od namjene, određuju komunalna preduzeća, a kao posude se koriste: kontejneri i kante za otpad različitih zapremina, podzemni kontejneri, korpe za otpatke i kese, postupajući inspektor je nadležnom komunalnom preduzeću, KJKP "RAD" d.o.o. Sarajevo, uputio akt kojim je naloženo postupanje i dostava informacija u vezi pravnih subjekata koji ne posjeduju vlastitu posudu za otpad, a shodno navedenom članu Zakona o komunalnoj čistoći ("Sl.novine Kantona Sarajevo", br. 14/16, 43/16, 19/17, 20/18 i 22/19).

Postupajući po navedenom, KJKP "RAD" d.o.o. Sarajevo je dostavio akte kojima se informiše, na osnovu prijedloga rukovodioca R.J. Ilidža, Hadžići i Trnovo pri KJKP "RAD" d.o.o. Sarajevo, da svaki gore navedeni poslovni subjekat koji ne posjeduje vlastitu posudu za otpad, treba nabaviti posudu za komunalni otpad – tipa kontejner zapremine 1100L i postaviti na uređenu lokaciju na parceli koja pripada pravnim subjektima, a koja je pristupačna specijalnom vozilu za pražnjenje kontejnera.

Uvažavajući navedeno, postupajući po službenoj dužnosti, te u cilju zaštite javnog interesa u komunalnim djelatnostima, komunalni inspektor Inspektorata komunalne inspekcije, zaštite prirode, zaštite dobara baštine i inspekcije za sport je izvršio inspekcijske nadzore u predmetima broj: UP-1-14-14-19.5-03288/23, UP-1-14-14-19.5-03291/23, UP-1-14-14-19.5-03293/23, UP-1-14-14-19.5-03264/23, UP-1-14-14-19.5-03266/23, UP-1-14-14-19.5-03268/23, UP-1-14-14-19.5-03270/23 i UP-1-14-14-19.5-03272/23, te sa subjektima inspekcijskog nadzora: TR "BAAS" ul. Stupska bb, OR PEKARA "SUNCE" ul. Stupska br.11, "SWISSLION-TAKOVO" d.o.o. PJ: 16 Slatka kuća ul. Stupska bb, "DASTA" d.o.o. PJ: 2 ul. Stupska br.19C, "DAANI" d.o.o. ul. Stupska br. do 19, "NAŠ MARKET" d.o.o. ul. Stupska br. 17B-18B, "MUJANIĆ" d.o.o. PJ: 5 ul. Stupska bb, "KONZUM" d.o.o. PJ:289 ul. Stupska bb, sačinio zapisnike u cilju nalaganja mjera propisanih članom 29. stav (2) Zakona o komunalnoj čistoći ("Sl.novine Kantona Sarajevo", br. 14/16, 43/16, 19/17, 20/18 i 22/19), odnosno propisane obaveze da za postojeće poslovne zgrade i prostorije, posude za otpad, nabavljaju njihovi korisnici.

Inspekcijskim nadzorima je utvrđeno da navedeni pravni subjekti, komunalni otpad odlažu u postojeće posude za komunalni otpad, smještene u niše, na javnim površinama u ul. Stupska ili se komunalni otpad iz poslovnih jedinica pakuje u vreće za smeće, te se odvozi i odlaže u posude za komunalni otpad u vlasništvu pravnog lica u čijem je vlasništvu i poslovna jedinica. Također je utvrđeno da na predmetnoj lokaciji, niko od navedenih pravnih subjekata ne posjeduje parcele u svom vlasništvu na koje bi postavili posude za otpad – tipa kontejner od 1100L. Ispred poslovnih prostora pravnih subjekata se nalaze trotoari, parking prostori, te putevi za saobraćaj motornih vozila. S obzirom na činjenicu da ne postoji adekvatno mjesto za postavljanje novih 8 posuda za otpad tipa kontejner od 1100L na predmetnoj lokaciji, upućena je informacija nadležnom komunalnom preduzeću, te Službi za razvoj, komunalne poslove i puteve Općine Ilidža u cilju određivanja adekvatnog mjesta za posude za otpad, a u skladu sa članom 21. Zakona o komunalnoj čistoći ("Sl.novine Kantona Sarajevo", br. 14/16, 43/16, 19/17, 20/18 i 22/19), kojim je propisano određivanje mjesta za posude i korpe za otpatke, i to stavom (1) propisano je da mjesto za posude i korpe za otpatke na javnim površinama za čiju čistoću su odgovorna komunalna preduzeća, određuje općinski organ nadležan za komunalne poslove uz saglasnost komunalnog preduzeća.



Po utvrđivanju mjesta za posude za otpad u skladu sa članom 21. Zakona komunalnoj čistoći ("Sl.novine Kantona Sarajevo", br. 14/16, 43/16, 19/17, 20/18 i 22/19) i rješavanja ovog pitanja, postupajući komunalni inspektor će pristupiti izdavanju rješenja o nabavci posuda za predmetne pravne subjekte.

U vezi sa svim naprijed navedenim, podsjećamo na sljedeće:

- Članom 18. Odluke o provođenju regulacionog plana "Stup-Nukleus" ("Sl.novine Kantona Sarajevo", br. 28/18) određeno je da je prostore za odlaganje kućnog otpada - kontejnere, potrebno predvidjeti u okviru vanjskog uređenja parcele jedne ili više kolektivnih objekata, ili utvrditi prostoriju u okviru samog objekta. Takođe je određeno da je kod izrade projektne dokumentacije za realizaciju kolektivnih stambenih i drugih objekata neophodno planirati lociranje prostora za odlaganje otpada (kontejnera) i to: na cca 15 stambenih jedinica planirati 1 kontejner.

- Elaboratom o lokacijama reciklažnih dvorišta, niša i zelenih otoka za područje devet općina Kantona Sarajevo, koji je 2019. godine izrađen od strane Zavoda za planiranje Kantona Sarajevo, predviđene su lokacije za prikupljanje otpada za područje Općine Ilidža, u sklopu kojeg su određene lokacije za područje Tibra Stup. Lokacije određene Elaboratom već duže vrijeme nisu dovoljne u odnosu na trenutno stanje i potrebe stanovnika.

S poštovanjem,

**Dostavljeno:**

1. Naslovu
2. Premijer Vlade Kantona Sarajevo
3. Sekretar Skupštine Kantona Sarajevo
4. Sekretar Vlade Kantona Sarajevo
5. a/a



**V.D. DIREKTOR**